

☒ Harian Metro
☐ Metro Ahad
Tarikh: 18/6/2012
Hari: SMIN M/S: V18
Ruangan: UUMASI

UUM anjur bengkel teknik penulisan

UNIVERSITI Utara Malaysia (UUM) menganjurkan bengkel pendedahan mengenai teknik penulisan, baru-baru ini.

Bengkel itu bagi melatih mahasiswa menulis skrip novel untuk drama televisyen dan filem.

Pensyarah Kanan Akademi Seni Budaya dan Warisan Kebangsaan (Aswara), Zakaria Ariffin berkata, adaptasi adalah penulisan semula sebuah karya daripada bentuk asalnya untuk disesuaikan kepada medium lain.

Beliau berkata, sejumlah besar filem hebat dari barat adalah karya adaptasi daripada novel atau kisah benar yang mampu menjadi fenomena kepada masyarakat dunia seperti Harry Potter dan Lord of The Rings.

"Ramai tertanya-tanya bagaimana sebuah drama atau filem itu sampai di kaca televisyen dan bagaimana idea untuk mencetuskan karya seumpama itu timbul.



KONGSI... Zakaria (tiga dari kiri) berkongsi pandangan bersama peserta.

"Juga bagaimana cerita itu berkembang dan tentunya peserta akan teruja dengan dunia penulisan skrip, berkisar kisah yang berlaku di sekeliling kita.

"Ia ditulis dengan bahasa yang mudah difahami, ayat ringkas dan tidak ada bahasa teknikal yang boleh mengelirukan penonton," katanya dalam Bengkel Penulisan Skrip Adaptasi daripada Karya Sastera Media

Elektronik anjuran Pusat Filem Uniutama (Unifilm), baru-baru ini.

Zakaria berkata, bidang penulisan skrip mampu menjana pendapatan lumayan terutamanya jika mempunyai jalan cerita menarik mengikut format betul.

Peserta daripada Universiti Sultan Zainal Abidin (Unisza) Terengganu, Wan Malini Wan Isa berkata, bengkel dua hari

itu dapat meningkatkan keyakinannya bergiat aktif dalam bidang penulisan sekali gus melahirkan lebih ramai penulis skrip.

"Saya belum ada asas penulisan skrip namun berminat menjadikannya medium dakwah yang berkesan. Cara ini mempunyai impak yang besar.

"Apabila tahu saluran yang betul, mudah membawa karya tanpa dimanipulasi oleh mana-mana pihak," katanya.

Mahasiswa UUM, Joanne Tan Mei Yen berkata, persiapan seperti menimba ilmu penulisan sangat penting memandangkan pelbagai cabaran yang perlu ditempuh apabila bergelar penulis kelak.

"Kami diajar cara penulisan skrip melalui latihan ditunjukkan penceramah sekali gus mendapat gambaran sebenar berhubung dunia penulisan skrip yang menjanjikan pendapatan lumayan," katanya.